

Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

Decretum super electione Sanctorum in Patronos, à sacra Rituum Congregatione de ordine S. D. N. Vrbani Papæ VIII. emanatum die 23. Martij 1630.

urn:nbn:de:hbz:466:1-40233

primæ classis ibidem ex Rubricis generalibus num. 4. Quæritur, quomodo differant Patronus & Titulus Ecclesiæ. Respondeo, Patronum esse, quem Episcopus cum populo sibi Patronum eligit, eò vel quia primus eo loci Episcopus fuit, vel quia ibi humatus, vel quia ciuis eiusdem loci, vel quia iuuit aliquando mirabiliter in eiusdem populi necessitatibus, vel ob alias similes causas. Datür autem Titulus Ecclesiæ, qui non ita latè patet ut Patronus loci, puta, quia Ecclesia dedicata est sub invocatione sanctissimæ Trinitatis, Corporis Christi, sanctæ Crucis, beatæ Mariæ, Sanctorum, &c. Cur verò dicatur Titulus, dicam Sectione 8. cap. 5.

2 Nonnulli vocant Patronos eos, erga quos solo deuotionis affectu mouentur, non communi toti ciuitati, seu loco; at de ijs non loquitur Rubrica, quæ locum accipit pro multitudine Cleri & populi, ex communi modo loquendi. In posterum decernendi erunt Patroni iuxta Decretum quod sequitur.

Decretum super electione Sanctorum in Patronos, à sacra Rituum Congregatione de ordine S. D. N. Vrbani Papa V I I I. emanatum die 23. Martij 1630.

Sacra Rituum Congregatio, anno nueniente sanctissimo D. N. in electione Patronorum mandauit infra scripta in posterum seruari debere, declarans, quod aliter facta electio nulla sit ipso iure.

Primo, quod eligi possint in Patronos iij solūm, qui ab Ecclesia universalis titulo Sanctorum coluntur, non autem Beatificati dumtaxat.

Secundò, quod de Patrono ciuitatis electio fieri debeat per secreta suffragia à populo, mediante Consilio generali illius ciuitatis, vel loci, non autem ab Officialibus solūm; & quod accedere debeat consensus Episcopi & Cleri illius loci.

Idemque seruari debeat in Patrono Regni, qui pariter eligi debeat per secreta suffragia à populo singularum ciuitatum Prouinciarum.

Et quod repræsentantibus Regnum, ciuitatem, Prouinciam, nulla competit facultas eligendi Patronos, nisi ad hoc habeant speciale mandatum, & ulterius interueniat consensus Episcopi & Cleri dictarum ciuitatum.

Et Tertiò, quod causæ electionis nouorum Patronorum debeant in sacra Congregatione deduci, & ab ea examinari, ac demum causa cognita, ab eadem Congregatione approbari, & confirmari.

Etne præmissorum ignorantia villosumquam tempore possit allegari, eadem sacra Rituum Congregatio supradictum Decretum imprimi & publicari mandauit.

Io. Bapt. Card. Detus.

Loco + Sigilli.

T. Tegrimius Sec.

Ratio Decreti est. & primæ quidem conditionis est, quia Beatificati non possunt esse Titulares Ecclesiæ, quarum ædificatio conceditur in honorem Canonizatorum tantum in Bulla Canonizationis; non ergo Patroni esse debent, quorum gradus est nobilior quam Titularium. Neque Beatificatis dari solet à sacra Congregatione Rituum aliud Offi-

F 3 cium

cium quām Duplex maius per annum, Patronis autem Duplex primā classis. Decretum tamen comprehendit etiam Patronos minus principales, quos decet esse Sanctos vniuersales.

Alterius conditionis ratio est: quia primō populus debet eligere ob beneficia à Sancto accepta; deinde Clerus debet consentire, ut postea colatur cum Officio debito & Missa.

Tertiæ conditionis est ratio: quia sæpenumerò sine causa, arbitrio Principum, vel arte aliorum, minus legitima extorquentur vota Consiliariorum & Episcoporum; Romæ verò censura est liberior, & ob auctoritatem Sedis Apostolicæ securior, & sanctior.

3 Dantur Patroni vnius ciuitatis, & Patroni vnius Provinciæ, ut Mediolanensis Provinciæ, decreto Provinciali Patronus est Sanctus Ambrosius. Dantur etiam plures Patroni loci, ex Rubric. de Officio Duplici numero 1. vbi habentur hæc verba: *In Festo Patroni vnius vel plurium aliorum loci.* è quibus unus esse debet principalis, ex Rubric. de Octau. nu. 1. alij minus principales. Titulus autem Ecclesiæ vnius materialis solet esse unicus; sed tamen potest etiam esse plurimum Sanctorum, vt apud nos Romæ Ecclesia SS. Blasij & Caroli, in qua duo Festæ celebrantur; vel plurimum sub eodem Festo, vt SS. Colmae & Damiani, & similia.

4 Tam de Patrono principali quām de Titulari Ecclesiæ fit Officium, vt de Duplici primæ classis, vt in Rubrica de Commemoration. num. 3. Item fit Octaua de vtroque, in Rubrica de Octauis num. 1. & quæcumque supra dedimus Duplici primæ classi, &

Octauis, eadem concedenda sunt Patrono principali loci in loco suo, & Titulari in Ecclesia sua. Eadem enim est ratio solemnitatis in utrisque.

5 At quinam tenentur ad Festum & Officium de principali loci Patrono? Sacra Rituum Congregatio decrevit sacerdos, Regulares etiam teneri ad Festum de Patrono loci, & Officium solempne, iuxta Bullam Gregorij X I I. die 30. Decembbris 1573. non tamen teneri ad Octauam eiusdem: quod nouo Decreto firmatum est à S. Rituum Congregatione die 27. Martij 1628. & illud quidem decretum est, ut populus, qui in eo Festo ad Regularium Ecclesiæ accedit, Missas & Officia diuina auditurus, ad pietatem erga Patronum suum non minus accendatur, quām si ad Ecclesiæ confluat Cathedram. Octaua verò satis est, si fiat à Clero seculari illius loci: neque cogendi sunt Regulares, occupati etiam proprijs Religionis Officijs, ad omnia Cleri secularis Officia recitanda.

6 Si Patroni plures seu Titulares conceduntur, ut suprà numero 2. eritie eorumdem æquale Festum, hoc est primæ classis cum Octaua? Officium quidem singulorum Duplex erit, vt dicitur in Rubrica de Officio Duplici numero 1. sed Octaua non conceditur, ex Rubricis Breuiarij de Octauis numero 1. nisi Festo principalis Patroni, & principalis item Titularis Ecclesiæ, imò neque primæ classis Festum erit, nisi sit solempne principale Festum principalis Patroni, aut Titulari Ecclesiæ, vt aperte in Rubrica de Commemorat. num. 3. & 4. quale non est Patroni Translatio, nec Festa similia.

7. Neque

7 Neque de his Patronis minùs principalibus tenentur Regulares Officium recitare, si non sunt in Calendario Romano, quos nulla lex obligat: laudabile tamen est, si recitent in gratiam populorum, ut paulò suprà diximus; & eò magis, si populus agat Festum sine opere seruili. Officium autem erit Duplex maius per annum, ex Rubrica de *Contra. num. 2. in fine.* quod addidimus ante Tabellas in postrema recognitio-ne Breuiarij.

8 Quid, si accidat, quod in Cathedrali fiat de Patrono loci absque Octaua, veluti Mediolani de S. Ambrosio, cuius Festum ritu Ambrosiano non habet Octauam; an subditi Archiepiscopo Mediolanensi, secundum ritum Romanum Horas Canonicas recitatuī, teneantur ad Octauam sancti Ambrosij celebrandam? Negant aliqui, quia satis est, ut membra à capite non discordent. Affirmant alii, quia tenentur ad seruandas Breuiarij Romani Rubricas; quibus ego magis assentior in gratiam Rubricarum Romanarum. Nostrī Ordinis Patres celebrant ibidem sancti Ambrosij Octauam, etiam ex vi nostratum Constitutionum, quæ l. 2. cap. 5. id præcipiunt ubique fieri in Feste Patroni loci.

9 Ceterū Patroni seu Tituli Festum licet excludatur, si incidat infra Octauas Paschæ & Pentecostes, & in Hebdomada maiori; locum tamen habet infra Octauas Epiphaniae, quæ Duplicita alia Festa excludit.

10 In die Octaua Epiphaniae, si incidat Patronus vel Titularis Ecclesiæ in eam diem, transfertur Festum Patroni; & eodem modo si in Dominica prima Aduentus & Qua-

dragesimæ, Dominica Passionis, Palmarum, Paschæ, in Albis, Pentecostes & Trinitatis: in quibus mysteria Redemptionis nostræ à populo quoque sunt magis celebranda, licet quædam ex prædictis Festis sint classis secundæ. Idem fiat, si incidat in Vigiliam Nativitatis Domini & Pentecostes, in die Circumcisio-nis, in Feria quarta Cinerum, ut scilicet transferatur.

11 Tanta est solemnitas Patroni principalis loci, ut, si incidat in Vigiliam, quæ sit in Calendario cum ieiunio de præcepto, nihil in Officio fiat de Vigilia, quæ mœstiam infert; in mensa tamen ieiunandam erit, nisi transferatur in præcedentem diem ieiunium ipsum auctoritate Maiorum. de qua suprà *cap. 7. num. 5. pag. 28.*

12 Habet integras vtrasque Vespertas, nisi concurrat cum Festis Christi primæ classis, aut B. Virginis assumptæ, aut Dedicationis propriæ Ecclesiæ, ex ijs quæ diximus suprà *cap. 8. num. 7. & cap. 9. num. 3. ad eō,* ut eidem cedant in concursu tum secundæ Vesperæ diei Octauæ Epiphaniæ, Paschæ, Ascensionis, & Corporis Christi; tum primæ Vesperæ diei Octauæ Ascensionis & Corporis Christi, ut in *Notis dicitur Tabella 2. de Concurrentia.*

13 Debentur eidem Lectiones in primo Nocturno, quæ habentur in Communi, non autem de Scriptura occurrente, ad maiorem celebritatem, ut dicitur in Rubricis *cap. de Lectionibus num. 9.*

14 Lectiones secundi & tertij Nocturni, si non adhuc propriæ in Breuiario, neque extra Breuiarium approbatæ à sancta Sede Apostoli-

ca

ca, sumantur de Communi, & de Octauario Romano in hanc præcipue causam edito. nam in Officio nihil legendum est, quod ab eadem Sede Apostolica non sit approbatum, vt fusè probat ex *Gelasio Papa Radulphus Propos. 11. & Sixtus V. Cōst. 74.* concedens varias facultates S. Rituum Congregationi, Officia SS. Patronorum noluit approbari posse, inconsulto ipsomet Summo Pontifice. Approbata verò pro tertio loco negavit sacerdos S. Congregatio, extendi posse ad alia loca non consulta eadem Congregatione; quæ iustis de causis alicui loco concedit, alicui negat.

15 Quæritur de Titulo Altaris, seu Capellæ, quo ritu sit celebrandus. constat ex Rubrica de *Commemoratiōnibus num. 3.* non esse celebrandum vt Duplex primæ classis; reliquum est igitur, vt celebretur prout in Calendario Romano describitur: in quo si neque nominatur, ad illud Altare celebrari poterunt Missæ Festiuæ, cum Hymno Angelico, vt alibi diximus; sed Officium nullatenus fiat sine licentia Majorum, ad quos attinet Officia mutare. qua de re diximus *Sect. 1. cap. 5. tit. 2. num. 9. pag. 7.*

16 Si Altare titulus est beneficij, Beneficiatus adhuc non debet Officium recitare de eo vt de Festo primæ classis, neque alio ritu quam in Calendario sit descriptus; &c., eo ibidem non descripto, non video, qua ratione propria auctoritate possit de eo recitare Officium.

17 Si verò Titulus est Ecclesiæ diutæ ad illud Altare translata; ille, qui emolumenta prædictæ Ecclesiæ percipit, æquum est, vt recitet Officium de eo in eius Festo, ne depereat cultus illius Titularis Ecclesiæ; &

ritus erit Semiduplex, nisi dignitas eiusdem aliud exposcat. exemplo sumpto à Vaticana Collegiata S. Petri, quæ celebrat Festum sancti Blasij Semiduplex, ob Ecclesiam eiusdem Sancti cum emolumentis vnitam Collegio Canonicorum S. Petri: sed in his casibus consulatur sacra Rituum Congregatio. Vide quæ diximus *Sect. 2. c. 2. num. 26. pag. 16.*

18 Ceterum Beneficiatus quilibet habens Ecclesiam, quæ est Titulus beneficij, licet apud eam non residat, debet tamen Festum eiusdem colere vt primæ classis, & cum Octaua celebrare; quia Festum Tituli est Ecclesiæ.

19 Sed vtrum cultus Titularis aliquius Ecclesiæ possit & debeat extendi ad alios de Clero extra propriam Ecclesiam, ita vt debeat omnes, tam in ciuitate quam in Diœcesi, celebrare Festum particularis Ecclesiæ ritu Semiduplici, negauimus suprà *cap. 3. num. 5. pag. 22.*

20 Dies Octaua Patroni loci accedit alicubi in Festo Duplici, quod ibi est in præcepto, vnde populus magis optat audire Missas de Festo quam de die Octaua, vt in vrbe Regij ditionis Estensis, in qua Octaua dies S. Prospere occurrit in Festo Visitationis B. Virginis, quod ibi est de præcepto: quid ergo erit agendum? Sacra Rituum Congregatio approbans Officia pro Clero Regiensi, decreuit fieri Officium de Festo cum commemorat Octauæ; alias transferre Festum, vt de Octauis diximus *cap. 8. num. 12. pag. 31.* Si neget alij, potest Episcopus transferre Festum de præcepto in sequentem diem, si ab eo penderet.

21 An verò possit dies Octaua Patroni loci appellari maius Duplex, vt habeat

habeat integras Vespertas ; negauimus
suprà cap. 8. num. 23. pag. 33.

22 Quomodo separandus sit Patronus à socijs quos habet in Calendario ; & quo ritu sit de socijs Officium faciendum, ostendimus suprà cap. 10.
num. 11. & seqq. pag. 37.

23 In Vigilia Patroni, quæ habet Officium in Calendario, erit ea die omittenda commemoratione de Patrono, quæ solet fieri inter Suffragia , ne de eodem fiat Officium & commemoratione : quæ est indubitate regula in Officio diuino. Vide infrà Secl. 5. cap. 18.

24 Quæ diximus de Patrono principali loci, eadem conueniunt Fundatori & Patrono Ordinis in toto Ordoine post solemnem Canonizationem eiusdem.

25 Negamus autem illud , quod non-nemo scripsit, nimirum, quod infra Octauam Patroni , seu Tituli , seu Dedicationis propriæ Ecclesiæ , debeat fieri commemoratione de Octaua , quo cumque adueniente Festo : quia gratis dicitur , & est priuilegium Octavarum Natuitatis , Epiphaniæ & Corporis Christi tantum.

S E C T I O Q V A R T A.

De proprio ritu singularum Horarum Canonicarum.

Post Regulas generales totius Officij, veniendum est ad Regulas singularum Officij partium, hoc est Horarum, quo ritu quæque sit recitanda.

SECTIONIS QVARTÆ CAPITA SEX.

1 *De Matutino.*

2 *De Laudibus.*

3 *De Prima.*

4 *De Horis, Tertia, Sexta, & Nona.*

5 *De Vesperis.*

6 *De Completorio.*

De Matutino.

C A P . I.

Matutinum est vox antiqua, in Conc. Cabilon. II. Deducitur à Matuta , id est aurora. Sunt autem apud Auctores hæc synonyma pro eodem , Nocturni , Vigiliæ nocturnæ & Matuti-

num , de quo hæc loquimur , ut est à Laudibus distinctum ; nam alioquin suprà diximus Secl. 1. cap. 3. pag. 2. constituere unam horam cum Laudibus. S. Isidorus 6. *Etymol. cap. vlt.* deducit Matutinum à stella matutina lucifero , quæ oritur inchoante manè inter noctem & diem ; ut hinc edicas, si media nocte cum antiquioribus il-

G lud